

Gvangjsih Minzcuz Bau

ganbhau: CN45-0036 B.2015 Nd.7 Ng.22 liggaueq ietfeih nienz ndwenloeg cocaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3183期

Swcigih Minzyijveij Bae Baksak Si Diuyenz Hong Vah Saw Minzcuz

自治区民语委到百色市调研民族语文广播影视译播和社会应用情况

7 nyied 7 hauh daengz 11 hauh, Swcigih Minzyijveij fucujyin Yangz Gijbyauh daiq ndaw gihgvanh Minzcuz Yijvwnz Fanhyizcu nem Yingyungcu mbanj vunz bae Baksak Si Nazboh、Cingsih、Dwzbauj nem Denzyangz daengj yienh diuyenz gij cingzgvang gvendaengz fanhoiz nem book gvangjbo denyingj densi vah saw minzcuz caeuq ndawbiengz sawj-yungh vah saw minzcuz. Baez hozdung neix doenggvaq hai codanzvei nem daengz dieg cazyawj song cungj fuengsik bae guh. 4 aen yienh neix minzyij nem

gvangiden bumwnz lwnh le cingz-gvang mizgven.

Youq guh diuyenz codanz seizde, dingq le gak yienh lwnh cingzgvang, Yangz Gijbyauh nyinh-dingh gak yienh haenqrengz guh hong, doengzseiz vixok, hong fanhoiz nem book gvangjbo denyingj densi vah saw minzcuz bungz daengz hojnanz, baugvat vunz、cienzcaiz、doenghyiengh daengj, danhseih gaendwk bumwnz gyoebcomz nem guekgya, swcigih mizgven bumwnz yawjnaek, gij gungzhoj neix yaek cug mbaek ndaej gaijgez. Gij lanzmuz vah minzcuz aeu lai gyahaeuj vah

saw minzcuz; gij lanzmuz sinhvwnz vah saw minzcuz aeu lai book minzswngh. Yangz Gijbyauh lij giengzdih, aeu nyinhcaen gvancez lozsiz Swcigih Dangjveij、Swcigih Yinzminz Cwngfuj《Aen Fangh'an Saedhengz Gvendaengz Gvancez Lozsiz<Aen Yigen Cunghung Cunghyangh、Gozvuyen Gvendaengz Youq Seizdaih Moq Gyagiengz Nem Gaijndei Hong Minzcuz>》, gyagiengz hawj gak dieg lai haenqrengz guh hong senhconz、hezdiuz nem genhduz hongsaeh yungh vah saw minzcuz.

(Liuz Yizningz/刘瑜宁)

SIUSIK DINJ 简 讯

● 7 nyied 17 hauh, youq Yungzsuij Myauzcuz Swciyen Bwzyinz Yangh Baujgyangh Cunh, doenghboux Myauzcuz、Yauzcuz、Dungcuz daengj vunz saujsu minzcuz daj mbanj doxyawj daeuj comz youq henz Dahbaujgyanghhoz, ciuq sibgvenq guh hozdung baiqmih、sauz bya nem gwn ngaiz bak ranz daengj, aeu neix daeuj maqmuengh ndaem maz ndaej maz.

(Lungz Linzci)

● 7 nyied 10 hauh daengz 15 hauh, Fangzcwnzgangj Si saujsu minzcuz ganbu beizyinhbanh youq Swcigih Dangjyau gawjhengz. Baez beizyin neix caenh'itbough hagsib gvancez gij cingsaenz dangj cibbet gaiq seiqcung cienzhoih, hagsib gij cingsaenz youqgaenj gvendaengz vahgangj Siz Ginbingz ceiggaenh gangj de. Aen si neix mizgven danhvei、gak yienh(si、gih) boughfaenh gohgiz saujsu minzcuz ganbu gungh 47 vunz camgya beizyin.

(Fu Yenzgez)

● 7 nyied 14 hauh, Dunghlanz Yen gawjhengz Mbanjcuengh ying-yungz vwnzvayenz gvanjljicu biengj baiz yizsi. Daj neix daengz laeng, aen gvanjljicu neix ciuq baihgwnz anbaiz, guh ndei hong gwzming vwnzva aen yienh neix, caez haenqrengz guh ndei hong senhconz gyaezguek、gwzming conzdungj nem minzcuz doxgiet, caez laemxsim gensez ndei Dunghlanz.

(Veiz Swngyang Veiz Damingz)

● 7 nyied 16 hauh, Lungzlinz Gak Cuz Swciyen Gwzlauj Yozvei daih'it gaiq veiyenz davei youq ndaw yienh dangjyau ciuhai, dangdieg vunz miz-gven nem Gveicouh Swngj Gwzlauj Yozvei、Cunhyi Yen Gwzlaujveij doenghboux daibauj daengj gungh 132 vunz camgya. Laebbaenz aen yozvei neix, doiq henhoh、vatgud、fatyiengz nem swnjcienz vwnzva lizsij Gwzlaujcu aen yienh neix gig miz yungh.

(Dauz Dwzgvangh)

● 7 nyied 15 daengz 16 hauh, Gvangjsih Minzcuz Bozvuzgvanj Yenz-giubu geij boux lauxhangz、yozcej daengz Ginhsiu Yauzcuz Swciyen Luzhang Yangh guh song ngoenz hong diuyenz cingzgvang henhoh nem hwngfat vwnzva minzcuz, haenh aen yangh neix guh ndei hong henhoh vwnzva minzcuz, caemhcai daezok genyi miz gensezsing、fazcanjsing.

(Gauh Yuzginh)



Gveicouh Huznanz Gvangjsih Vunz Myauzcuz Angq Comz Guh Hozdung

黔湘桂苗族同胞大联欢

7 nyied 16 hauh, Sanhgyangh Dungcuz Swciyen Duzdung Yangh Yimaj Cunh Myauzcaiz gawjbanh le ciengz hozdung minzcuz doxgiet hung ndeu——“Yezyej” (dwg hozdung vunzlai Myauzcuz doxcomz doxgyau). Lai bang vunz Myauzcuz daj Gveicouh、Huznanz、Gvangjsih daeuj de, yienj le haujlai cezmuz, guh le haujlai hozdung, baugvat donqngaiz bakranz hung、cien vunz ciengq Dohyeh、doiq fwen naenghhwnz、lanzgiuz doxdax、

boq aenvenz doxdax、Heiqdung doxgyau yienjok、ciengq Yehgoh doxdax、doiq fwenyox Myauzcuz daengj, mizyinx raixcaix, yinx le geij fanh hekyouz daeuj ngonzyawj nem camgya. Baez hozdung neix guh sam hwnz sam ngoenz. Ndaw doz dwg Gveicouh Swngj Genzdunghnanz Couh Lizbingz Yen Suijgouj Cin Baujdangz Cunh daeuj camgya hozdung.

(Moz Cinhsi/莫珍世 ingi)

Swhyenz Yen Yangh Myauzcuz Ndaem Lwgmanh Ndaej Sou Lai

资源县苗乡辣椒喜获丰收

Swhyenz Yen Liengjsuij Myauzcuz Yangh ciuq cingzgvang dangdieg, hengz aen mozsi “gunghshw + gihdi + nungzhoh”, gaenxmaenx heuh vunzlai hwngfat canjyez dajndaem, mboujduenh guh hung daegsaek canjyez. Bineix daengx yangh dieg ndaem lwgmanh、mizhouzdauz、byaekgwn de cungj gyalai, lwgmanh gya daengz 1000

moux. Ndawde Hozbingz Cunh couh ndaem lwgmanh 250 moux, cunhchisuh Yangz Sinhgvei dajndaem le 1.6 moux lwgmanh, cunhveij vejyenz Yangz Cungzyi dajndaem 5.2 moux lwgmanh. Youz cunh ganbu gaenxmaenx daiq-doengh, daengx cunh doengzcaez roengzrengz dajndaem lwgmanh.

Bineix vunz sou lwgmanh

moix gaen 1.8 daengz 2 maenz, nungzminz souhaeuj haemq lai. Mizdi lauxbanj cigsoh daengz ndaw cunh nem reihnaz sou lwgmanh, nungzhoh cigsoh youq bakdou ranz couh gai bae lwgmanh lo, vunzlai sim'angq dangqmaz.

(Cau Mingzveij/赵明伟)

Dangz Meijyungz/唐美荣)